

貴州南籠府志卷之七

知府西蜀李其昌敬伯輯

人物

孝友
隱逸

節婦
流寓

壽婦

論南籠之人物者以選舉甲於他郡旁搜博採
悉登記載舍此若無可志矣抑知孝友節義之
事更有重於科名仕爵者乎千里一聖百里一
賢古且難之固未易語於窮荒僻壤之地也而
孝友節義者已歷歷可徵事寧以地囿耶古之
南籠府志 人物 一

人明天察地鑄字鎔宙之偉業實自此事基之
是故儒之學學此也儒之行行此也能擴而充
典型具在風聲之樹權輿於斯其可以荒僻易
歟觀志者志之俾南籠於科名仕爵外更作千
人之英不虧萬物之備詎獨光生此域直可藉
為奕禩人物之鑑矣

孝友

王 瓚府城內東街人年十五父稼統卒母

高氏矢志撫孤琮璘珍俱幼惟瓚長家貧
勤務農事兼逐末奉孀母甘旨不缺弟妹
婚嫁必從厚體親心也母壽八十有九事
之如一日三弟俱入泮分自置之產各授
維均怡怡無德色生子三俱成立年八十
五以壽終有司為表其廬事載通志

鍾

華府城內北街人為廳庠生父文明娶
張生子奇及英張卒華則李氏出也父歿

南籠府志

人物

一一

年十二依寡母事二兄惟謹奮志業儒雖
家貧經營生計不輟攻讀奉甘旨之餘有
異味必與二兄共之兩兄繼逝遺子幼視
之若己子勉讀書至成名厥心始釋其敦
倫睦族有如此雍正丙午通判金訪表其
閭曰孝友庚戌學憲晏斯盛以友于足式
獎之卒年六十八子孫俱克有成

張玉衡府城內北大街人年甫七齡父文光

歿躄踊苦茨慟幾欲絕及葬繞墓哀號依
依不忍歸人咸異之家素貧母楊氏寄居
族姓營十指以供三子衣食玉衡長愧無
以奉寡母而恐弟玉璣玉振之難以成立
也賈於市竭力為家計得上慈幃甘旨而
勉二弟之攻讀者玉振登歲貢焉衡承母
顏奉事惟謹楊氏暮年衰病交集侍湯藥
始終不懈請於

南籠府志

人物

三一

朝旌以清標彤管孝子之心始遂母壽躋七旬
卒之日哭泣哀號如七齡時喪乃父狀弟
兄同居不分貲產姪男女婚嫁事獨肩之
族隣不能舉火者隨力周給排難解紛頗
有仲連風鄉評無間言乾隆二十三年據
事詳請匾以孝友可嘉可想見其為人云

夏

晏居府城之東街其至性有過人者年
甫十歲母病朝夕榻前煎奉湯藥飲食稍

進則喜否則愁淚交流及病勢沉迷每夜
稽顙北辰祈以身代久之不應割股肉和
藥以進母病頓瘳時雍正十年事太守王
元烈聞之旌以孝童郡之紳士匾曰足徵
天性復為詩歌以永之嗣是勉學就讀至
不顧父母之養心耿耿不能釋因家貧饗
殮每多不足之故棄儒業經營家計服勞
奉養竭力不倦歷三十二年卒子欽承十

南籠府志

人物

四

五入府庠母壽今七十有六矣

節婦

葉氏府城內北大街庠生桑蔚林之妻性幽
靜工女紅十六于歸事孀姑邱承顏順意
曲盡孝思蔚林無恒產從事舌耕氏操勞
井臼佐以擘績邱顧之懽如也生子月正
月正恒而蔚林卒氏年二十有五矢志養姑
期撫二孤成立以盡婦職有欺其姑老子

幼強通媒妁者氏度強暴難拒鳴於官請
照守節益勵前操姑歿盡事盡誠雖貧以
勤讀教子迨月正補弟子員謂完此苦心
可見良人於地下矣歷年七十雍正丙午
具

題建坊旌表

任氏明雲南開化守劉體堯之繼妻安籠所
人十九歸劉撫前妻子遵道如己出體堯

南籠府志

人物

五

卒氏年二十一生子遵德歲未及週矢志
守節有橫暴強求者官法懲之聞於撫憲
表以節勇能兼勉遵道學授室于王遵道
列名鬢序不壽王志姑之志氏哀之亦自
哀也孀幃苦況與媳共嘗歿年四十有七
乾隆壬申請

旌建坊如例

王氏安籠所庠生劉遵道之妻任氏之孀媳

也十九遵道卒生子定甫八月結縭三年
冰操自矢奉繼姑以孝聞家計日促井臼
獨操以分姑勞午夜青燈姑媳機聲直達
戶外聞者哀之任卒殯葬盡禮氏青年茹
苦撫孤成名志姑之志實自志其志也通
判張調鸞匾曰節堅如玉享年七十有七
乾隆壬申同姑任氏請於

朝建坊以旌之

南籠府志

人物

六

景氏府城內北大街生員湯擎之母故庠生
嗣夏之妻也歸湯六載嗣夏卒年二十有
一生擎甫二歲哀夫家五世單傳僅遺藐
孤一脈矢志栢舟不為媒妁動其素念至
經回祿而家貧每甘茹荼以自勵丙夜機
聲偕孤兒之書聲達旦不輟謂能成立始
不愧湯氏有後也苦歷六十四年子成孫
侍郡人賢之乾隆己巳

詔建坊褒旌

周氏府城內舊北街庠生楊嵩齡之妻嵩齡
歿氏年十九上有八旬之祖姑而孀姑之
年亦將半百視一歲之藐孤念妙年之寡
媳哀慟迫切莫知所從氏毅然矢志不渝
老姑幼子奉侍撫育事一身肩之畧無懈
色家本回裔姑死族沿舊例不用衣衾棺
槨氏爭之不已呼泣鳴官許從厚葬回俗

南籠府志

人物

七

為之一變子學海名列膠庠丸熊之力有
以成之也苦節三十餘年乾隆壬申請
旌建坊以表之

張氏府城東街劉必榮之妻性賢淑明大義
必榮家貧井臼操勞相夫子以供堂上甘
旨必榮歿張年二十有四生子淮歲始六
週而翁姑髮已垂白中鮮伯叔兄弟撐持
門戶張甘貧茹苦矢志冰霜勤紡績以佐

仰事俯畜之資子稍長度家計難支勉以經營末務翁姑年屆七十老且病維持左右湯藥不懈卒喪葬如禮淮生子四雖屢空之餘戒其子督課維嚴孫皆行成名立人咸以為節孝之徵乾隆癸酉具

題旌以清標彤管

楊氏府城內北大街張文光之妻年十六歲歸于張以未及事舅姑為憾結縈八載生

南籠府志

人物

八

三子玉衡玉璣玉振文光卒家無立錐之地寄居族姓時採苦菜合泔粥以充饑兼營十指之作供三子衣食族人憐其家貧子幼勸以再醮者氏斷髮自誓益勵堅操後玉衡稍長能持家計督以勤儉經營令玉璣佐理飭三子玉振專攻儒業晨夕訓戒子皆奮志有成克慰母心享年七十以壽終乾隆癸酉請

旌表以清標彤管

吳氏府城內舊北街庠生楊運明之妻克盡婦道孝事翁姑運明因父歿哀毀成疾臨終以老母幼子託吳慨然許之時年二十有六家貧典衣飾釵環佐以紡績為奉姑之資不忍以飲食私其幼子敬事三年不異初心姑卒喪祭如禮課三子讀稍嬉戲即責曰爾等不能成立我死亦難以見爾

南籠府志

人物

九

父於地下三子感之學業有成族黨咸曰吳於姑之生養死葬及三子之身列膠庠皆不負良人所託者乾隆癸酉上其事於朝旌以清標彤管

劉氏府城北鄉普坪街庠生葉榮之妻國學生洪春之母也年二十一甫生洪春而榮卒結縊僅二載耳老翁七十瞶且病繼姑陳年亦半百殘疾臥床外無伯叔兄弟內

鮮應門童僕翁姑疾病聲與孤兒呱呱聲
悲慘交集兼以家計蕭條蛩吟四壁雖健
婦當此亦難撐持矣氏矢志飲冰事翁姑
左右維持不以久病稍厭倦翁歿稱家殯
葬族有無知者欺其少寡私許游姓氏聞
之輒以釵刺面欲負子投河游感其堅節
悔之依病姑訓孤子餐風沐雨者十餘年
洪春長方解逐末而病姑死不以陳為繼

南籠府志

人物

十

室稍減葬禮族黨甚賢之年六十有八子
復有孫一堂四世苦節之徵洵屬不爽乾

隆甲申

題建坊褒旌如例

壽婦

吳氏居府城內一百三歲之壽婦也生於康
熙元年之九月十八歲歸王廷甫生子二
年三十一廷甫卒勉持門戶擘績雖勤奉

垂老之雙親續成子孝撫弱齡之二子兼
著父慈歷七十二載之霜晨撐百年五代
之槐蔭猶能健飯不待扶鳩乾隆二十九
年據事請

旌恩榮綽楔

隱逸

桑爾喬字擎乾附普安州學年三十以吳逆
之變不應偽試隱居南村結亭幽岩種竹

南籠府志

人物

十一

蒔花陶情詩酒絕跡城市者五十年南籠
別駕王國禎匾其亭曰林泉高隱總鎮林
孺贈以逸叟享年八十一終

流寓

王 訪字方言遼東人以名進士任雲南彌
勒州牧避亂隱寓安籠其時籠地屢經兵
燹士學失傳方言講學明理籠士遊其門
者知學問自有真際今猶慕之